

五
峯
遺
稿

五峯遺稿卷之八

詩

七言律

次韻蒼元之進士

五十年來事事違，便辭榮祿返初衣。生逢

聖代身無補，老任旁人腹有誹。白髮自傷流景去，青雲誰道故交稀。西風落日茅堂下，倚遍庭柯嘆昨非。

又

祥琴鼓罷世緣疎，北望紅雲戀屬車。製作誓追淳古後，宦名知謹入官初。已看鵬擊三千水，還上

龍飛第一書聞說近來求友切丈夫立志在謙虛

次黃公祿嘗鮓魚

腰腴頻勸漁翁異物年年出越東薦後家宜香飯
軟嘗時休放綠尊空金盞玉筋風情麗紫笋紅糟氣
味同珍重一篇能記美先生詩有老坡風

寄題石翰卿萬柳莊

使君宅近清江上萬柳陰森獨掩扉彭澤心情真未
減杜陵風物尚依稀枝搖憲府新驄馬花暗漁郎舊
釣磯白雲鶯花頻送酒高堂時著老萊衣

秋堂漫興

孤負黃花又一遭
閉門空詠楚人騷
年來好事愁中過
老去韶華夢裡拋
隱几維摩無俗累
悲秋宋玉有神交
著書亦自妨養性
莫遣頭顱類野蒿

送俞進士穩還朝

憶捧綸音出禁宸
九龍山下弔先臣
禮裁漢典情文備
詞出儒林寵數新
嫩綠漫傾官驛酒
軟紅還戀屬車塵
明朝又向江頭別
落木蕭蕭一慘神

過碧山吟社懷楊叔理

暮年詩酒自從容
占斷青山十里宮
每共野人聯石鼎
還憑高閣聽松風
才華舊說滄洲吏
圖畫新傳白

髮翁更有餘情真可笑不應泉姓獨從公

六月過聽松庵避暑

靜聽老僧翻貝葉閒看稚子摘楊梅清風一霎美人
至涼籟滿空仙樂來正好披襟坐苔石不妨隨處引
茶杯詩成頓覺雲滿紙知是前山急雨催

十月望日山房小酌

金柑入俎甘如蜜黃獨登盤滑似酥誰識清貧居士
供絕勝甘美大官厨碧山風月開懷久石室香燈伴
影孤此地頻來一樓止前身合是長公蘇

和友見慰

營生無補養三難誰肯棲棲戀一官身世正同蠶
老宦名麓似璧能完忘機擬入高僧社覓句期登大
將壇何處良方可醫病黃庭一卷靜中看

病後幸得便道南還省親偶成二律志喜兼
留別省中諸公

天全晚節得生還頻覺春回鏡裡顏老去幸逢陽九
厄生前先度鬼門關清燈夜雨頻呼酒驛路秋風且
看山便與諸公成遠別相思明日夢魂間

又

出門重整舊衣巾身世依然白髮新勿藥偶成今日

喜看花誰是百年人先生腐草心還壯氣轉陽和物
自春欲寫平安數行字因風先慰白頭親

送董內翰尚矩較文還京

奉詔掄文秉至公風簾官燭漫燒紅文章已屬均陶
裡人物都歸岳藻中洛下才名推賈誼漢廷儒碩數
楊雄星槎八月催歸早弱水蓬萊有路通

又

南都選士屬亨嘉藻鑑高懸絕點瑕一代文章關氣
運九霄奎壁煥光華玉堂

天遠夢歸夢銀漢清秋促使槎更賦勝遊詩百首鳳

池歸去草黃麻

望泮樓爲何都憲世光賦

樓居近接素王庭
窓戶憑高畫不扃
芹泮每從閒裡見
弦歌偏向靜中聽
宮牆數仞輝丹碧
聖道千年麗日星
聞說主人幽興熟
釣簾長日究遺經

挽朱通政維吉

十年供奉紫宸班
解組歸來獨掩關
玉局已隨龍御去
白雲空伴綺園閒
救荒有策能傳世
却老無方可駐顏
欲吊詩魂何處是
梅花軒外白雲間

送俞武元辭館

十年高坐廣文壺共說名家不乏賢傳道曾為進學
解橫經嘗味獲麟篇百年家學推劉向一代才名說
鄭康今日教成還別去春風看上紫微天

挽大宗伯倪靜存先生

謚文僖

供奉三朝久著勞太常論謚得深褒光華史筆千
年重奕葉官封八座高北極星辰思聽履東山花月
想揮毫西風吹冷朝天夢與絕凌雲五色毛

聽松宏上人惠竹

老僧屋畔千竿玉聳壑凌霄也自奇乞取正當殘臘
後栽培況及晚晴時草堂自此增顏色原土他年賴

蔭滋一念敢忘勤愛護餘生真仰佛光輝

次楊叔理見寄

漫把塵纓濯澗泉眼前何物更相牽
心馳杜曲桑麻野興在山陰
雪夜沿陶令元無適俗韻
楊雄漫有鮮嘲篇近來吟骨稜稜瘦
知是仙壇斲骨仙

又

歸來重酌惠山泉稚子迎門手自牽
白首且拋公府事青錢足買鑑湖船
陶情每酌看花酒求友嘗歌伐木篇
女嫁男婚摠無累滄洲今有散神仙

題孫常州偉德春菴卷

群陰消盡陽剛在此地真藏萬古春咫尺冰霜渾不
到四時花木自鮮新也知泉壤調元久却笑龍池換
却頻更有餘溫堪及物陶鎔須待玉堂人

又

乾坤醞釀亦奇哉常見陽和滾滾來地下有誰調三
燭人間惟此是春臺氣蒸冰雪無留跡化洽勾芒易
發茲仗此願令寒谷變先生元有濟時才

壬子夏淫雨有感

兩眉愁鎖不曾開霖潦關心轉可哀破甕蛙鳴無宿
火空庭泥滑有新苔田間野老啼何苦門外可人期

不來聞說

聖明調玉燭暫時荒歉不須猜

懷莫文懋

我愛雲棲老居士蕭然綽有前人風能詩漸喜遍杜
老好客舊聞崔孟公犀角鳳毛誇今子碧山明月對
仙翁相違未久還相憶尊酒何時一笑同

閒居感興

荷衣新製勝朝簪高卧雲林自養心紅日照窓方穩
睡青山當戶只清吟病餘鬢鬢紛紛白老去光陰寸
寸金不用長歌賦招隱小山叢桂已森森

又

幾年多病復憂讒此日休官自養恬寵辱不驚心獨
樂去留隨分面何慚開荒舊對龍峰九佚老新開草
徑三曾是紫薇花下客歸來猶帶舊官銜

舟中觀水陣

東風吹破玉鏌瑋奔突真令客子驚鐵馬勢喧雲陣
合水晶光散月華明鷗翻遠渚春聲動水暖滄洲鴨
綠生寄語朝

天二三友郵籤明日報脩程

題寶乳泉次潘繼芳韻

穿雲漱石淨娟娟名自郎官去後傳出寶未輸瑤乳
滑傾瓶偏訝雪花圓山僧好事營新構詞客多情續
舊緣飲品嘗應第幾欲將消息問茶仙

秀野堂為陳公晟賦

洛陽亭館久寂寞君家草堂今似之青山隱隱帶平
陸幽花娟娟臨小池窓間明月客携酒竹裡涼風人
賦詩長日笑談誰與共伯仲風流真絕奇

送榮尹躬寶應 召北上

三年作縣試經綸入手生涯事事新霄漢獨懸聲價
重野人爭覩教條頻幾年皂櫪淹良驥此日

恩波起涸鱗聞說馬周籌策在煩君早向玉階陳

小江山次水壑盛都憲

累石為山勢貼危遠看真是近還疑神仙別現壺中
景粉墨空傳畫裡詩秀嶺忽如瞻五老曲潭猶似見
仇池君家樓閣還相對賓主時過不用期

月槎

一葉枯槎大海頭乘風真伴羽仙遊
嬾尋織女支機石要探姮娥月殿秋
午夜客星應犯斗三山弱水不通舟
氣酣直欲凌雲去笑視滄溟等一漚

又

海闊難將一葦航。月樞輕泛去茫茫。金鑒只在三山外。銀漢遙連北斗傍。桂籍有香通姓字。天孫無錦煥文章。歸來莫問君平卜。優向明廷補舜裳。

次黃公祿東籬賞菊

百年襟抱擬重開。誰道天涯旅況催。看菊落同陶令醉。移蓮還約遠公栽。不妨鬢髮垂垂老。笑插花枝緩緩回。竹葉平生知有分。相逢莫恡盡餘杯。

和黃太史文丞相經快閣詩

胸中老氣凌高閣。獨立蒼茫對晚晴。千古盛名歸太史。百年佳句逼淵明。吟邊衰髮千莖白。望裡長江一

道橫欲弔先生訪陳跡冷泉脩菊已寒盟

又

陳師無復擁麾幢百戰艱危義不降宗社有災今作
屋羯胡無賴竟臨江生經快閣懷陳跡死作啼鶻返
舊邦一旅興王今已矣暗風吹雨洒船窓

挽朱處士

甘露橋邊老客星仙遊何處駕雲輶山中風月餘精
爽鄉曲衣冠尚典刑千古名歸史筆半生高興托
麟經傷心欲為先生哭落日寒煙蔓草青

留別惠字弟

原缺

芳鮮白頭休嘆生涯少尚有囊中賣藥錢

登雨花臺感興

荒原南去路迢迢騎馬閒來弔六朝武帝臺前秋寂
寂寶光祠下草蕭蕭千年老樹飛黃鶴百尺浮圖倚
碧霄風景淒涼多少恨夕陽回首付漁樵

和王給事尚文懷徐遵誨

金陵無伴獨思人淪落天涯白髮新匡濟有才憐賈
誼飄零無過愧蘇秦巴山夜雨鄉心切巫峽秋風旅
夢頻試上高樓苦凝望朔雲寒鴈倍傷神

又

黃花開盡不歸來，巫峽巫山首重回。
訪古定過楊子宅，題詩還繼杜陵才。
滄江迢遞孤舟遠，白髮駸尋壯志摧。
聞說射洪新酒熟，一尊常日對誰開。

送李惠州

拜官初下鳳凰臺，共喜茲遊亦壯哉。
海外重爲蘇武至，嶺南曾識謫仙來。
紅霞照眼龍川果，白雪吹香庾嶺梅。
况復清時民訟簡，一尊春酒定常開。

怡松卷

先生身共白雲閒，坐對青松獨掩關。
過雨只疑龍化去，捲簾時看鶴飛還。
千年雅操心偏合，五粒高枝手

自刪直與此君諧
晚節春風紅紫肯追攀

詠狄梁公

陰氛漠漠翳高空
憂國如家獨有公
九死間關昭大節
半生壁立見孤忠
安儲不讓留侯業
匡國無慙太尉功
更有參苓舊時物
奇勲還著上陽宮

詠諸葛公

草廬三顧意何頻
感激真期效此身
復漢有才終割劇
匡時無命儼經綸
百年王室間關日
一代明良慶會辰
耿耿大名垂不朽
蕭曹終作漢宗臣

過七里灘吊嚴公

赤伏真人已御龍先生獨釣五湖東身隨漢鼎相輕
重名與乾坤共始終布褐不頂千萬衆羊裘元不換
三公高懷千古誰能寫只有希文記最工

登釣臺

徒使玄纁物色勞先生還著舊綈袍能令漢祚重九
鼎笑視功名輕一毫御榻夜閒天語近桐江秋老客
星高荒祠寂寞空山下展敬頻來薦濁醪

遊靈隱

靈隱禪扉何處尋北高峰下竹森森蒼苔半蝕髡胡
像白月常懸古佛心絕壁潤含生色畫冷泉清瀉

不弦琴滿前風物真堪玩誰數天平與石林

湖上晚歸懷葺臨川典故

五馬翩翩不住嘶晚風行過畫橋西雲藏逋老新開
宅草滿蘇公舊築堤十月清霜折楊柳一陂新水浴
鳬鷖何當喚起臨川叟摠把湖山細品題

登宿星閣

高閣憑虛靜不譁登臨銀海欲生花雨餘臺殿生清
氣日麗湖山暄絳霞碧樹近迷三竺寺巖城深閉萬
人家豪來直欲凌雲去遠訪茅君學煉砂

遊紫陽菴

重岩複道路漫漫如度羊腸百八盤奇石倚空危欲
墮凍泉吹面濕還乾百年真境紅塵遠十月空山積
雨寒惆悵野仙呼不起尚留遺蛻後人看

湖上湧興

三竺峰前湖水頭西風來侍板輿遊小橋曲岸寒梅
早白石清泉野寺幽古佛有靈依白塔孤墳無主對
荒丘登臨不盡興亡恨空嘆寒江日夜流

舟次吳江感事

極目遙天漫白波桑田成海欲如何孤村白屋人煙
少野水寒江鷺鶴多正爾間閭困凋弊可堪官府急

原缺

廟堂功蒼梧地遠新開幕銅柱煙銷早掛弓唯有江
西舊民吏攀留無計意匆匆

訪邵東曹文敬次壁間韻

寓館蕭條似隱居相過長日有軒車涼風滿屋頻揮
翰流水當門可釣魚瓦甕酒香欺白墮錦囊詩就陋
黃初鳴珂况復趨朝近咫尺紅雲是禁廬

夏夜樓居

炎宵無睡寢還興獨坐高樓氣拂膺金碗不頒天上
露玉壺常想腦前冰畫簷風定聞清漏銀漢雲銷見
玉繩稍待秋高涼冷後西山去看碧峻層

聽王河水聲

王河橋畔響丁東，消盡年光出未窮。
鐵馬勢喧秋雨後，珮環聲碎月明中。
流經御苑無人見，歸到滄溟有路通。
欹枕晚涼聽不厭，只疑身在水晶宮。

凝碧軒為鄒源澄題

隱君宅邊池水頭，小軒天開風景幽。
書帙晴涵黛色淨，湘簾冷浸玻璃秋。
閒邊風月動詩思，靜裡鳶魚消客愁。
未得相從卜隣去，幾回飛夢到滄洲。

北行舟中陪侍御鄭君秋官徐君紀勝

薊北風高一鴈秋，禦寒新試木綿裘。
菲才敢污

先朝錄勝覽欣詩上國遊衰草綠燕鷗外度夕陽紅
樹驛邊樓相逢更有臺中客詩酒時時慰別愁

又

西風攜手共朝天邂逅相逢似有緣山館啣杯情
款款蓬窓聯句月娟娟百年人物推徐穉三絕才名
類鄭虔聚散由來若萍梗不妨終夕謾留連

登金陵城

城堞森嚴壯九關豎儒騎馬一躋攀鶯花繚繞東風
裡鳳閣參差落照間淮甸水清龍去遠吳宮煙冷鳥
飛還興亡滿目真堪賦淺薄空慙庾子山

清明感懷

禁煙時節風光好，百感縈心只漫嗟。
麥飯一杯身後事，功名十載鏡中花。
謾將樽酒澆愁思，懶插楊枝記歲華。
塵土滿懷消不得，擬將歸種邵平瓜。

石室小隱為荆溪蹇伯度題

幽人開軒當碧岑，閉門蕭蕭松竹深。
穿雲採藥鶴為伴，拄笏看山風滿林。
鄭谷謾諳佳趣趣，商山終老濟時心。
荆溪風物吾所愛，准擬穿花放棹尋。

題見山堂

仙郎開軒對鍾嶽，還如韓愈在東堂。
煙含秀嶺雲含雨，

沒雲壓遠峰相混茫釣簾坐玩幽興發拄笏閒看遠
書長謾說官間堪吏隱詩成真擬少陵狂

思貽堂

大翁墓木久已拱藥石尚存前日規乎生大節在忠
孝一念細行分公私垂訓端為百世戒貽安絕勝千
金貲持循懇懇誓弗替揭扁高堂繫所思

挽過母黃孺人

九原魂去路漫漫五十年來已蓋棺香霧半迷金鏡
闌彩雲初散玉簫寒熊光和罷存遺訓紈扇裁成負
合歡此日神傷念夫子不勝哀痛淚闌干

薛涇壽歲為過時霽賦

野舟先生悟元化一抔鑿破青山春虛無已識老莊
謬曠達獨羨陶公真乾坤悠悠客逆旅泉石楚楚吾
比隣由來生死同一致却笑牛山墮淚人

又

一丘早已費經營松竹蕭蕭遶舍清岩壑有靈開秘
藏煙霞無處覓長生浮沉已識寒中趣汨沒空慚世
上名荷鍾劉伶今不見大觀千古繼芳馨

送楊洗馬維新較文還朝

九重聖主開文運東閣詞臣選俊英寒露玉壺心獨

烟風簾官燭眼偏明文童有道扶元氣奎壁聯珠燭
太清八月星槎歸興動又看簪筆上蓬瀛

又

文章洗馬青宮佐又向明時較藝回仙珮曉風辭白
下樓船秋水泛蓬萊天臨壁宿祥光動世協文明泰
運開從獵長楊還獻賦漢廷爭說子雲才

和碧山吟社新成韻

諸公結社題詩處占斷東南第一山茅屋清涼屋谷
底葛巾消散水雲間煙霞舊夢何時醒人世浮名好
是閒獨有吾親勞問訊西江官棹未曾還

又

乾坤萬象入牢籠詩法如君眼底空翠壁丹崖延十
老青雲黃閣付諸公閒隨野鶴尋僧遠醉揮山花映
酒紅笑我塵緣何日脫白頭應老簿書中

舟次江都邂逅高茂卿鄭時暉二侍御和聯
句韻

兩雄酣戰擁霜毫頓覺揚州紙價高千古乾坤誰草
聖百年風月此詩豪江頭夜雨迷青雀淮角春雲拂
繡袍二十四橋題欲遍雅音元不愧風騷

挽竺通判正家

酌酒臨江涕滿衣。君翻憶送君詩。浮生已付邯鄲夢。袞袞空勞郢客辭。萬事盡枯無舊恨。一經傳業有佳兒。獨憐白石溪邊路。腸斷遺民有所思。

向正蒙將奏最北上。余嘗為詩送之。有交情渭水歌三疊。世事邯鄲夢一場之句。語意似悽惋。余固訝之。既而正蒙果不起。嗚呼其殆所謂詩讖者乎。旅櫬將發。追誦此詩。不覺老淚潸然。因賦此道意云。

贈碧山吟社諸公

清時吟社碧山中。諸老從容陟降同。三月鶯花多勝

事百年冠蓋有淳風人才足繼香山盛詩法還追大
曆工懸想群龍霄漢上也應翹首羨冥鴻

又

東阡西陌日消搖天上蒲輪不可招佚老漫成真率
會達觀幸托

聖明朝春吟錫谷花園座暮飲泉亭月在瓢我亦官
遊今已倦願陪黃髮老漁樵

和黃公祿謝麻姑酒韻

俸錢釀得麻姑醞憶自江西遠帶來紫府仙人傳秘
訣碧山詞客共深杯也知名重真尤物莫道家貧只

舊醅更籍餘糟留汁滓一樽珍重待君開

浴月樓爲錢孟潛賦

曾於詩裡識風流絕勝真人六乙舟浴月每煩詞老
賦看花還載使君遊蓉湖晚色連青雀惠麓晴光滿
畫樓更欲與君相作伴春風三月上揚州

行臺奇遇和黃俞憲韻

玉燭調元暖氣回萬方民物圉春臺恤刑又下寬仁
詔布德還資練達才甘雨一番和氣應獄書三覆聖
情哀請看八百成周業應自蘇公敬獄來

又

陽春有脚信能行共說于公訟法平生道求來元不
易獄情疑處即從輕恩同甘澤隨車沛心似冰壺徹
底清夜起豫章城上望法星高傍栢臺明

又

九重宵旰戒荒寧况復殷勤重恤刑 恩詔屢頒同
祝網使車繞過即空囹寒岩病草回春意窮谷幽人
識使星宛嶽洗來今有幾也知生不負明經

按饒八咏和前人韻登肅慎堂

風紀是攸司浩浩頽波赤手支已識激揚關治
無言論禁安危端德澤陽春布江右聲名草

未知肅慎有堂還自警立身無愧是男兒

憩林樾亭

蕭洒幽亭傍竹林箇中真趣坐來深官閒自可拋文
牘地僻還堪養道心繡斧生香花氣入綺窓浮白月
華侵論交況有舊前相苦節凌霜已十尋

謁文廟

華屋巍巍眩日明庭前瞻仰肅諸生繡裳玄袞尊南
面玉振金聲集大成道在萬年真是土化行終古妙
無聲憲臺詞客今由夏展敬時來為恤民

視養濟院

千年古道獨君存無告顛連盡感恩白屋幾人來使
節霜臺隨處帶春溫觀風有道能賙困照物無私解
破昏况復平反多種德于公只合起高門

觀小教場

先生好古又能文不愧從前報主恩白羽一麾軍
氣振牙冠初出教條新鼓鼙聲歇邊烽靜貔虎營閒
細柳春辛苦莫忘時簡閱由來止殺是皇仁

察預備倉

人事由來可勝天備荒長策講須專變通合用常平
法征入還從大有年具歛意同關市利博施真比化

鈞權請君試讀宣尼訓足食分明在所先

審文繫囚

獄情審處別奸愚肯為尋常法律拘過誤故應從大
宥怙終端合在深驅陽春遂布能生物衡鑑高懸足
破誣況復 明廷重欽恤服膺常是謹須臾

擒無獲賊

茫茫身世欲何之天網雖疎信莫違自笑昂魚真假
息肯容冠虎更憑威赤丁誰掩他年骨盜跖還追往
日非扶善古來須去惡始知為治有先機

謝丘蘇州時雍惠酒

蕭灑憐君義獨高
解將青眼顧同袍
盤飧分惠皆兼味
鼎食開嘗任老饕
山菓遠來封白蜜
江魚新製帶紅糟
便須一醉仙都裡
莫笑先生老更豪

荅友人

凌虛院裡神仙宅
又客移居設白幃
滿屋涼風秋似洗
半簾香霧日如年
歸心迢遞孤雲外
往事徘徊白鴈前
獨賴故人能慰我
相思時復寄瑤箋

五峯道稿卷之九

詩

七言律

送大司馬程公南征次湯胤勣韻

彤弓榮賜 聖恩隆
牧爭看出禁中千里清霜行
肅殺九天紅日照精忠滿營
貔虎軍威振絕域豺狼
道路通今代論勳當第一青雲麟閣看登崇

又

清時承詔翦群兇南徼新兼節制通蜀地風雲歲陣
畧楚天鴝鳥避兵鋒金茄漫咽三更月鐵馬長鳴萬

里風從此遺黎沐王化盡銷戈甲事春農

又

尚書雄畧世無雙仗節南征靖漢邦
萬竈貔貅聽號令百城冠蓋擁旌幢
戈船夜渡夷陵峽玉節晴臨蜀錦江
汗簡勲名誰得似編摩應有筆如扛

又

遠持龍節下南夷智畧縱橫謾出奇
已有勲庸酬聖主可無霖雨澍瘡痍
官曹舊拜周司馬華秩新兼魯士師
今日太平無一事綉雲軒裡坐題詩

又

蠻煙瘴雨遠馳驅萬里南雲入壯圖敵愾久諸司馬
法登壇獨綰太公符旌旗雲動遠南極鼓角霜清落
五湖社稷由來須俊傑迴車還擬北平胡

又

雙旌遙指洞庭西萬里籌邊息鼓鼙玉帳夜寒刁斗
急轅門秋黑陣雲低腰間龍劍懸秋水篋裡天書照
紫泥會有恩威及南服犬狼相繼入封提

又

南來一笑掃氛霾鎮馬長驅令不乖戡亂已看張殺
伐綏邊還喜事桑懷殊方從此霑恩澤四海于今仰

弼諧懸想玉堂清切地有人揮筆頌平淮

又

絕域遙聞泰運開春風載道凱歌回籌邊已展匡時
畧草檄還推倚馬才一代皇猷資黼黻九重霄旰
望鹽梅歸囊賸有詩千首大貝明珠莫浪猜

又

九重飛詔紫泥新萬里專征遣重臣玉珮曉辭青禁
月官袍晴照錦江春阿黎天遠飛戎檄邛雋山高入
戰塵猗猗已除民樂業勛名應見畫麒麟

又

尚書雄畧動如神仗鉞南來淨楚氛組練白欺巴嶺
雪旌旗紅閃海天雲謝安江左多陳力裴度淮西久
著勲從此還期瀝肝膽萬年宸極侍

明君

又

南來萬騎肅雲屯誓掃群兇報

主恩風往戰塵連瘴野令嚴飛鳥避轅門窮荒僻壤
勞經畧瘴雨蠻煙惱夢魂便合銘勲刻崖石伏波銅
柱底須論

又

五季遺集卷之
三
分符南去路漫漫閭外爭傳又一韓綵筆氣凌霄漢
潤鍊衣光照雪山寒極知勞瘁憂民切更說循良待
士寬願挽天河洗兵甲歌謠長見遠人安

又

清時又奏凱歌還組練如雲入漢關節操半生冰蘖
裡勲名千古畫圖間文章星斗聯南極號令風雷震
八蠻却笑當年寶車騎只將功烈記燕山

又

獨持兵印下青霄壯氣憑陵北斗杓一雨洗兵驅瘴
癘八荒歸化動歌謠蠻方草木霑恩澤驛路風雲擁

使輶勲業堂堂誰得似漢廷新數霍嫖姚

又

壯心憂國肯辭勞卷旆長驅擣賊巢劍閣倚空秋渡
馬龍泉騰焰夜鳴鞘風雲陣勢藏三畧星斗文章麗
九苞莫道炎荒天萬里遠人從此貢苞茅

又

五月官軍入不毛鼙鼙魂斷欲何逃金笳悲月邊聲
急鐵騎屯雲煞氣豪劍閣只今徒設險雪山從此亦
增高何人秉取論勲筆為記元戎汗馬勞

又

浮宇清明已息戈，鶯花春滿舊山河。
彤弓錫寵侔方叔，銅柱論勲繼伏波。
三殿春雲隨去旆，九門寒漏聽鳴珂。
況逢

聖主憂勤日，好贊經綸保太和。

又

官袍燁燁映緋霞，憂國新添兩鬢華。
阿閣鳳毛呈五色，上林珠樹著三花。
南征已展平蠻策，北上還乘奉使槎。
鳴玉朝朝侍丹扆，明良千古慶亨嘉。

又

匣中龍劍凜秋霜，汗馬功成陋破羌。
絕域氣清收瘴

癘碧空雲淨落天狼殊勲已勒黃金鼎逸興常依綠
野堂况復平生多慶澤一門文采照琳琅

又

端笏垂紳列上卿三朝出入荷恩榮地居台輔調元
氣天近蓬萊識履聲匡國有書仍削草折衝多暇每
論兵九重指日開麟閣誰比汾陽第一名

又

虎符龍節照南溟萬里長驅入建瓴已喜子儀頻破
虜更聞劉向蚤傳經瀘川水溢浮仙棹邛笮雲開識
將星從此車書歸混一好鐫崖石記新銘

又

心懷耿耿氣稜稜白壁連城氣益增超逸漫誇千里
駿扶搖端擬九霄鵬官依北斗司喉舌身際明時作
股肱慚愧後生瞻盛德渴心常想玉壺冰

又

才高真慰九重憂千里蠻方一戰收笳鼓聲傳巫
峽曉旌旗影拂楚天秋龍驤已建中興業燕頤終封
定遠侯報國壯心猶未已幾因烽火看吳鉤

又

功成未許二毛侵激烈長懷報

主心司馬聲華高北斗相門經術重南金匡時謾擬
陳三策破虜曾看就七擒莫向南都久淹滯萬方齊
仰傳岩霖

又

半生清節聳崦嵫正色當朝迥不凡漫把赤心扶漢
鼎更期霖雨出商岩蓬萊天近恩何厚銅柱勳深石
可劖奏凱歸來膺峻擢五雲深處聽韶咸

又

群夷一鼓便成殲鐵馬無聲號令嚴位切兵民憐獨
任才高文武喜雙兼傳家漫有春秋筆歸橐渾無恙

茂嫌汗馬功成催入覲為登三事聳遐瞻

又

戰極連雲鳥不飛南人從此識天威
山中狡兔無藏窟袖裡陰符有煞機
蜀道風雲馳露布塞垣烽火識戎衣

君王旰食思賢佐奏凱行看入紫微

又

仗鉞南征促使車錦衣光彩照坤輿
山河要害經營裡豺虎悲鳴戰伐餘
萬里風霆馳號令九天奎壁
圖書才高定策汾陽業遠見明廷錫峻除

又

忠節堂堂已兩全中原人物間生賢文章大手今無敵經術有傳萬里兵戈期報主九重咲舌夢朝天明時幸備臺中屬陶冶惟應籍倭佗

又

榮領天書促使縣青春笳鼓滿天南風霆叱咤軍威肅雨露含濡德澤酣幕府論兵資遠畧戍樓乘月坐清談懸知奏凱功成日還與遺民約法三
分題送陸內翰
椿桂坊

椿枝無恙桂聯芳絕似燕山寶子郎后土効靈頻
秀使君興學為旌坊百年科第壯才俊千古鄉閭富
耿光盛事後來誰復繼只今重見世經堂

震澤

茫茫煙浪拍秋旻吳越山川半汨湮赤岬銀河微有
路洞庭雲夢濶無津百年來往雙蓬鬢千古興亡一
釣綸七十二峰天外碧含顰如送北歸人

邗溝

一水迢迢曲似虹孤兒橋畔郡城東疏通知是隋人
力開鑿元非禹代功賈客帆檣來衮衮吳門煙浪去

匆匆不堪盃酒臨岐別回首雙旌遂逝鴻

劍井

候氣爭傳此最靈一泓寒水碧澄澄仙翁鶴駕今何在科第人才謾足徵千丈光芒騰壁宿百年文運盛蘭陵近來又說中天見應報先生自此升

李子祠

列國人才子獨奇嘉賢常起後人思百年高義徐君劍千古清風魯叟碑吳下故都無舊業蘭陵香火有新祠春風門外垂楊柳折取長條贈別離

司徒廟

大義由來可滅親陳侯忠孝迥無倫秋霜烈日懸孤
膽甘雨和風蔭後人才美已看兼八絕廟祠真足繼
三仁黃鸝碧草荒亭外猿表還應立侍新

慶亭

荒亭無主亦幽哉曾見吳王射獵來門外亂雲隨去
馬堦前今雨長蒼苔春風秋月行人換剝水殘山過
客哀感慨不須頻吊古計程明日到三台

馬跡山

千尺巍巍俯洞庭祖龍巡幸此來經馬蹄猶記亡秦
跡厓石誰鐫上古銘鰲背壓波晴隱隱芙蓉積翠曉

冥冥樓船此日登瀛客應載南峰一半青

孝感漬

長河腹堅冰未融孝子下視湯泉同一誠潛通造化
窟變鯉躍出馮夷宮孤風想像煙波外遺事流傳天
地中臨流弔古意不淺作詩還為歌民風

毘陵地

雪消冰釋日冲融造化生成地一弓千古窮陰常閉
伏四時元氣自流通機緘妙叶先天外嘉勝常留載
籍中更有餘溫堪及物此行唯待燠和功

小東山

使君久慕東山謝也築東山繞郡廬一壑風煙園野
色四時花竹護圖書繁華已逐空臨盡興廢都從感
慨餘把酒不須頻吊古玉堂虛席待相如

洗硯池

誰將古硯臨池洗至竟人猶說道鄉蘋藻百年雲
澤魚龍千古識文章寒流不洗忠臣恨春雨猶聞墨
暈香東閣詞臣今後進投書幾度弔滄浪

多稼亭

亭前多稼爛如雲喜殺蘭陵舊使君諸老衣冠曾此
會大田歌頌向來聞建炎遺趾荒苔沒乾道空碑野

火焚勝事百年當再復傳芳須藉翰林文

紅梅閣

曲闌芳檻委春風不見梅花樹樹紅圍棘院深文燭
冷煉丹仙去藥爐空消沉舊事孤雲外零落殘香野
寺中東閣詩人今水部來經此地恨無窮

朝京館

南貢遙從海上來蘭陵城下館門開衣冠毀裂皆殊
俗筐篚輝煌盡異材當日梯航歸盛浪百年遺趾漫
荒苔秋風門外朝京路又送仙槎到上台

青城

茫茫遺堞帶墟煙東郭門深巷陌連
割據英雄成異代郊垌遺跡尚依然
秋雲漠漠連方澤春草萋萋滿籍田
今日送君城下路不堪吟斷夕陽邊

懷古堂

郭璞池邊舊草堂堂前雲木自蒼蒼
窓含蘋藻波間雪簾捲芙蓉水面香
懷古有人留勝事濯纓無客咏滄浪
瀛洲太液依稀是咫尺仙舟便可航

金牛臺

蹀躞青驄白玉珂金牛臺下重經過
掩轡誰復懷西伯樹柵人猶指曲阿
靈物不歸空舊跡青山無語對

荒坡驪駒歌罷人將別天地茫茫奈老何

橫山

送君騎馬古城陰馬上看山思不禁寒日照峰生紫
氣淡煙籠樹失瑤簪泉臺已冷將軍骨叢桂常懸隱
士心好覓蒼崖勒文字重來只恐二毛侵

東坡書院

萬里南還白髮新天教來看晉陵春餘生半付紅灰
酒潑板橋全未路身日月有明遺一老廟堂無地着
孤臣秋風祠下朝天客賴有文章繼後塵

龜山書院

累表陳情已効忠還來南郡振文風道窮伊洛淵源
外人在春風化育中一代大儒名獨步百年追享禮
何崇寒地脩菑書堂下感激同靈啟迪功

白鶴溪

天邊白鶴已仙去溪上猶傳白鶴名離離雲樹帶平
陸渺渺滄波涵太清已擬風光勝畫畫即看仙棹泝
蓬瀛臨流酌酒送君去回首故園無惜情

忠義祠

割據英雄安在哉百年陳跡獨堪哀雨深方澤多秋
草歲久東陵有劫灰近墅竹溪僧占斷廢垣春色馬

嚙來登瀛學士狂吟濶白雪陽春取次裁

西園六詠為巡撫大司馬三原王公題

蒼松徑

三原城西松十尋層軒相對亦蕭森虬髯拂起綠雲
亂金粉墮堦蒼雪深屋角晚風看鶴下窓間春雨聽
龍吟歲寒對此堪娛悅共矢平生金石心

牡丹圃

尚書宅裡一闌花常向芳時占物華曉日暖雲飛別
園東風蝴蝶過西家漫從歐老裁新譜還許堯夫駕
小車獨恨宦游歸未得年來回首隔天涯

隴頭雲

一片孤雲隴上生，隨風飄泊更輕盈。
含春雨，潤色映朝陽。錦繡明，陝右古居常在目。
天涯游子獨關情。從龍莫道歸來晚，曾作甘霖潤八紘。

門外柳

白頭司馬當朝傑，家住茂陵西。復西舊種三槐，今尚茂新栽。
五柳亦看齊。長條未許隣人折，秀色偏承雨露低。
報道春風榮書錦，當門驄馬再三嘶。

洗硯池

一池新水綠云云，曾浣羊欣白練裙。
蝌蚪夜翻波底

月墨花晴泛鏡中雲潛鱗盡逐春雷化靈澤疑從太
液分千載蘭亭遺事在春風游泳見鰕群

太史銘

封君名節重關西墓石曾煩太史題公論百年今已
定清風千古更誰齊晴光照夜蛟螭走老氣摩空泰
華低想得西園春雨裡有人瞻仰重含悽

遊從姑山

獨立亭亭一柱高亂山如畫列週遭人從絕壁題詩
遍僧在懸崖置屋牢千樹煖雲籠夕照九天靈籙落
秋濤登臨况近黃衫節醉拍飛觴飲興豪

謁黃孝子祠

兵戈母子嘆流離兩葉浮萍大海涯
天地有情終解合羯胡無賴竟何爲
山中舊宅風煙古江左高名草木知
扶植綱常真不忝披圖瞻仰一題詩

送舊守謝侯士元

侯長樂人後擢都憲

滿城歌管日紛紛醉倒盱江舊使君
共說潁川真有道更憐司馬最能文
花明浙水移孤棹天近蓬萊擁五雲
愧我迂踈繼君後臨歧無那惜離群

又

衣冠載道候鳴珂化俗文翁喜再過
垂白有人皆掩

泣春城無處不聞歌百年天地才名老三月鶯花別恨多
去去潁川終入相莫因行色嘆蹉跎

遊林田寺

東華隱隱樹蒼蒼小退前頭是上方三尺薜碑王祭墓
數間茅屋紀公房豆花籬落初含雨楓葉園林尚怯霜
幾度停車問民瘼不堪黎老話年荒

遊鐵柱宮

貫徹坤維一柱雄英臺垂泣九泉中殊勛只合追神禹
仙術何勞比葛洪笙鶴幾年遊碧落風雷長日閤琳宮
石池春水年年滿始信江潮有脉通

遊薦福寺呈金廣信宗潤

魯公遺事蘇公筆千古荒碑草莽間
尤物已為雷電取高亭常樹水雲間
天寒白落鳴孤梵木落空林見遠山
同是天涯未歸客來遊此地不知還

登滕王閣

巍巍高閣倚江臯此日登臨不憚勞
豐嶽夜寒銷劍氣番湖天遠足風濤
君王舊事隨煙燼才子文章作代豪
坐對西山吟未了海風吹雨濕征袍

題丘蘇州時雍芝山草堂

丘侯隱居何處是遠在番湖湖水頭
登堂拜母吾願

畢閉門讀書君趣幽崑山白壁文自棄滄海明珠誰
解妝山公不作范公老獨立層軒增百憂

次楊郎中叔獻分題陸墟別業

文筆峰前湖水西幽棲地僻少輪蹄花間稚子坐垂
釣竹外老翁行灌畦酒熟漫拚金谷飲詩成先許錦
箋題已聞孫策如蓬賤更說雕胡似掌齊

水心亭

何處滄浪亭子好郎中宅裡舊相過疎簾珍簟暑氣
薄明月清風佳趣多行樂每尋鷗鳥社生涯長占水
雲窩客來莫惜頻携酒請看闌前東逝波

遊天平山

滿山怪石作人立行遍浙西無此山佳木摠含春雨
潤高亭常與白雲間吳王舊事煙塵外范老清風宇
宙間細拂穹碑看文字夕陽騎馬不知還

送董亞卿赴荆襄和劉學士韻

勅使傳宣動玉珂彤廷仙樂奏雲和九天茅土堯
封下千里河山漢節過清夢每依門下省陽春還和
郢中歌懸知畢命歸朝日為說東平樂最多

又

禁垣朝罷促鳴珂紫陌微風霽色和玉節遠從京郭

去錦衣遙向石城過楚鄉問俗悲三戶湘水懷人續
九歌去去賢王如有問
聖明敦俗寵恩多

南極星祥壽某侍御

月明雲淨碧天寬千古休徵此際看奏瑞漫勞秦太
史延齡應作漢郎官清朝盛事符麟趾午夜祥光燭
旁冠從此高堂應不老年年花底罄餘歡

觴月樓為龔美和題

樓頭明月不須期把酒相看足自怡影蘸玉壺秋寂
寂光搖銀燭夜遲遲九天涼露清詩骨庾府秋風老

桂枝莫恡尊前重惆悵人生能見幾盈虧

和馬伯庸無題

長門漏盡月沉江眼底依稀見綵幢巫峽朝雲空有
夢漢宮才色舊無雙依依不語臨青瑣脉脉含情倚
綠窓厭聽御溝溝畔水斷腸終日漫流淙

又

十載新宮近末光羅衣猶帶御爐香凌波韞小初裁
素却月眉尖半染黃河漢秋高驚織女天台花落怨
劉郎長門盡日無人到獨自含顰製翠裳

又

原缺

願逐鷺鸞步玉屏歸心常與白雲期
山林裘馬清狂日世路風塵汨沒時
芸閣舊藏千卷富鳳池新養一
毛竒錦箋詩好誰能和白髮尚書正爾思

又

懇辭榮命出彤墀歸卧滄洲野
老期三月鶯花中酒後諸孫風雨過
門時烏紗鶴髮丰神迥白雪陽春
製作竒聞說茅堂傍脩竹相過有約
慰相思

雨中懷東黃公祿

世事無涯生有涯出門那更雨如麻
窓前覽鏡滿頭雪燈下讀書雙眼花
迢迢村莊憶春事歷歷老景悲

年華寄聲報爾滄洲吏明日天晴上釣槎

大雨山莊感懷

桑陰漠漠亂啼鳩風雨連天不肯休門外野人來看
水溪邊稚子坐垂釣東家短筏不可借小市香醪差
易求聞說城中薪米貴老夫還負杞人憂

寄贈少司徒宜閒楊公

吾鄉先達藩垣老入贊文昌捧北辰練達正司邦
國賦訐謨真作廟堂臣九重天府還通籍萬里青
雲好致身況值

聖明宵旰日後生試目看經綸

送李太常立之赴京

北上匆匆近紫宸

君王應識舊詞臣
太常聲價南金重
翰苑文章瑞錦新
遠道風光催驛騎
上方雲氣護勾陳
經綸事業須公等
拜命行看立要津

海虞章氏四詠為方伯鳳儀賦高橋書屋

高橋西畔舊齋居
蕭洒清風似石渠
竹簾芸香春晝靜
練囊螢火夜窓虛
篆煙護黃金鼎
曲水新添白玉蜍
閒說硯池生意潤
春風常化北溟魚

前吳先塋

佳城鬱鬱傍山阿，山木蒼蒼雨露多。
岩下種松無虎觸，隴頭掛劍有人過。
兩朝贈典龍光爛，千古文章墓石峨。
況是後人能振耀，九泉還見沐恩波。

一門忠節

賢郎天上効忠勤，慈母堂前節更純。
辛苦久持冰雪操，謀謨真作廟堂臣。
青燈夜雨傷心淚，紫綬金章報主身。
珍重一門兼二美，好栽佳傳播光塵。

十世衣冠

君家文獻相承久，霄漢飛騰不乏賢。
時論共推天尺五大鵬，頻驚水三千患。
連群從皆能賦，盡氏遺經獨

有傳欲問衣冠凡幾世春風蘭玉正森然

鄧某氏二詠 江旭浮金

矐矐初出海東頭影落長空蘸碧流
貝錦一機晴艷艷金波千頃曉浮浮
光搖水底蛟人織色映江南杜若洲
安得丹青老摩詰筆端模寫畫中留

堤流園王

溶溶漾漾淨無瑕清映鄧江節婦家
屈曲遶堤縈紫玉帶微茫和雨泛桃花
魚吹細浪搖書幌柳拂晴陰上釣槎
好似百花莊上路滄江一曲抱村斜

和奚進士元啓目疾在告

不隨鶯鶯拜 彤墀卧厭高樓畫角吹行樂謾携桃
竹杖玩芳空負菊花卮虛齋習靜常辭客小几焚香
獨咏詩安得一盃仙掌露洗心端為故人醫

又

忽忽丹心戀 玉墀出門常畏北風吹芸香小閣閒
緇帙明月空齋負酒卮賈誼有才終赴召杜陵多病
撻因詩憑君不用金篦刮菊枕秋香自可醫

顧光祿廷瑞用前韻見贈復次以答

鳴玉常年立鳳墀香煙兩袖曉風吹才高已得參鸞
鵠 天近時聞捧玉卮共說馬卿偏善賦更傳光祿

最能詩獨憐病草寒岩下未得陽和為一醫

途中偶成

歲晚天涯冰雪深莽莽無那苦寒侵流光忽忽若驚
電長路悠悠悲客心已見繁霜點蓬鬢敢期飭業上
華簪鄉園南望三千里鴻雁不來雙鯉沉

送東臯叔東歸

新詩句句流通遍頓覺都減紙價高漫有清才驅俗
駕獨看高致繼風騷江湖滿地歸心遠風雨連宵客
夢勞想到故園春正好草堂花月伴揮毫

又

